



امور داخلیه

نام نامی حضرت جهان ندری به منسوب قالون همایون کوه نمون حضرت
جهان بنانی انشا اولنه لی خیلی وقت اوله رق کرکی کبی تعمیره محتاج اولمش
اولسلیله متعلق بیوریلان اراده سنیه ورخصت علیه حضرت ملوکانه به
مبنی بوندن ایکی سنه اول حوض عتیق کبیره وضع ایله امر تعمیرینه یعنی
هیئت واندای بوزلماق اوزره انشا و تجدیدینه بدأ و مباشرت اولمشیدی
ر بزم تعالی و تقدس پادشاه بحر و بر و شهنشاه محاسن اثر افندمن حضرت تری
هر حالده توفیقات ربانیه و تأییدات سبحانیه سنه مظهر وهر برامور و مصالح
سلطنت سنیه لرنده تسهیلات صمدانیه سن یار و یاور بیورسون جدا ثم جدا
پیرایه ذات قدسیت آیات جهاندار یلری اولان عنوان توفیقات نشان مجد دیت
سنیه اقتضای عالیسنجه عصر پر نصر ملوکانه لرنده بر طاق آثار خیریه
جدیده اغوش حسن حصوله رسیده اولمده اولدیغی مثلاً قالون همایون
فوز مقرون مذکور دخی شمعی به دکن ترسانه عامره ده مثلی نامسبق
اولدیغی و جهله درت باطریه لی اولق یعنی درت صره طوب المق اوزره
سایه شوکتویه حضرت ملوکانه ده طرز نوین و رسم دلنشین و جهله
بودفعه واصل کال و ختام اولمش اولدیغندن کذران ایدن محرم الحرام یکرمی
مبارک جمعه کونی ذات ظلیت آیات جناب ملوکانه بعد ادای صلاة الجمعة بالشوکه
والاجلال حوض مذکور شرف قدوم میامن لزوم جناب جهان بنانیرله
تشریف و دولتو سر عسکر پاشا و قیودان پاشا و حسب پاشا حضرت ابله بحریه
مستشاری سعادتو افندی محل مزبوره موجود و مترقب دیدار محاسن آثار
پادشاه نصرت موعود و اولقلری حالده مشار الیه حضرت ابله افندی مومی الیهی
التفات مستلزم المباهات تاجدار یلریله تلطف بیوروب بعنده سنوح ایدن امر
و فرمان تسهیلات نشان جناب ملوکانه موجبجه قالون همایون مذکور
کال سرعت و سهولتله حوض مذکور دن اخراج اولمش و مشار الیه
قیودان پاشا حضرت تریله مومی الیه مستشار افندی تقبیل قدم معالی توأم
شاهانه و سر معمار علی افندی دخی نائل عطیه سنیه حضرت پادشاهانه ابله
مبتهج و مسرور اوله رق ذات معالسمات جناب خلافتناهی زورق سوار
شوکت و اجلال ابله آینه لی قواق نام جای دلکشایی تشریف و تنویر اراده
سنیه سیله عودت همایون وقوعه اولمش و کذلک برمدتنبرو حوض جدیده
مجدد صورتبه تعمیر و ترمیم اولشان اوچ انبارلی مسعودیه نام قالون همایون
شاهانه نک دخی امر تعمیری تکمیل اولدیغندن اولدخی مقدمجه اخراج
اولنه رق در دست تجهیز بولمش اولدیغی ثبت صحیفه نسخ تقویم وقایع
قلندی

سایه شوکتویه حضرت کشور کشایده سفن دونغای همایون شاهانه
و جنود نصرت نمود بحریه جناب پادشاهانه بتوفیقه تعالی کسب ازدیاد
و اکتشار یتکده اولدیغندن حسن قومانده و اداره لیچون ترسانه عامره ده
رتبه لی بزدانک بولمسی لازم کلمش و مدت مدیده دنبر و قیودانه همایون قیودانی
بولشان سعادتو مصطفی بکک فنون بحریه و اداره امور عسکریه ده لیاقت

و معلوماتی مسلم و مجرب بولمش اولدیغندن میر مومی الیه عساکر بحریه
فر یقلکی رتبه رفیع سنک توجیه و احسان بیورلمسی قیودان مشار الیه
حضرت تری طرفندن باقر برانها و التماس اولمش و اولیاده عاطفت افزای
سنوح و صدور بیوریلان امر و اراده مکار معاده جناب جهان بنانی موجبجه
رتبه رفیع مذکور به بالتوجیه مأموریتی اجرا قلمش اولدیغنه و ولی نعمت
بیمتاز شهنشاه مکارم عنوان افندمن حضرت تری محرم سابق مذکورک
یکرمی یدنجی جمعه کونی صلاة جمعه بی بالسلطنة والاجلال باب الجسره
کائن جامع شریفده ادا و ایفا بیورمش اولدقلرینه بناء فریق مشار الیه
بعد الصلاة قیودان مشار الیه حضرت تری دلالتله مبارک و مسعود خا کای
کامبخشای حضرت ملوکانه به رومال و فر یقلک نشان قرلمعانی حضور
میامن موفور جناب تاجدار یده کر بیان استقامته بالتعلیق مظهر الطاف
و اعطاف پادشاه دریا نوال اولمشدر

بوندن مقدم طبع و نشر اولشان تقویم وقایع نسخ لرنده بیان و اشعار اولندیغی
اوزره عساکر نظامیه حضرت شاهانه نک البسه و اباق قانی دیکمخانه لری
دولتو سر عسکر پاشا حضرت تریله احاله و تفویض و مصارفات نظارتک
لغویه اداره تعیینات و ارزاق ایچون مجرب الاطوار برینک بالانتخاب تعیینات
مدیری نصب و تعیین اولمسی مجالس عالیه ده مذاکره و تصویب قلمشیدی
اشبو تعیینات عسکریه ماده سی دخی خیلی جسیجه بر خدمت اولدیغندن
حسن اداره و رؤیتی ضمتده نصب بیوریله جق مدیرک بو ماده به وقوفی
لازمه دن واسبق عساکر منتظمه شاهانه کاتبی اولوب خداوند کار سنجاغنک
بعض قضای تخریرینه مأمورا اولجانبده بولشان سعدی افندی مواد
عسکریه به واقف بندکندن اولدیغنه بناء مأموریت باقیه سی معینده اولان
کته دن برینه تکمیل ایتدرلک اوزره مومی الیهک جلیله مدیرک مذکورک
کندویه احاله سی بالتذیب اراده معالعهاده حضرت ملوکانه متعلق بیورلمش
و مومی الیه دخی در علیه به بالور و د ایفای مأموریتنه مبادرت ایلشدر
بوز بتمش یدنجی دفعه رقیله طبع و تمثیل اولشان تقویم وقایع نسخه سنده بیان
اولندیغی اوزره نیش حواله سنده اولوب روم ایلی ایالتی داخلنده اولان
معلوم الاسامی چند عدد قضایک مناسبت موقعیه سی جهتیه نیشه ربط
والحاق و نیش ایالتی اطلاقله مشیرلکی عطوفتو محمد و اصف پاشا
حضرت تریله احاله و توجیه و نیش محافظی سابق سعادتو خسرو پاشا
حضرت تری دخی نظام محاسن اتسامی اقتضا سنجه بالجمله مشیران معینلرنده
اولدیغی مشالو نیش فریق نصبیه مقدما کندو سنک محافظلق مذکور
مأموریتی جهتیه عهده سندن محل اوله رق برادرینه احاله اولشان صماقو
نظارتی ملحقاقیه برابر کافی السابق مشار الیه خسرو پاشا عهده سنه احاله
و تفویض اولمشیدی بلغراد قلعه سی دخی نیشه قرب و جوار و مشیرلک
مذکور الحاقی تقدیرنده اصول اداره و محافظه سنده مضبوطیت حاصل
اوله رق هر وجهله محسناتی موجب اوله جغی ظاهر و بیدار اولق حسنیله
قلعه مر قومنه نک اولوجهله نیشه ربطیه مشار الیه خسرو پاشانک کما کان
نیش فریق اولق اوزره بلغراد محافظلغنه مأموریتی و بوجهتله کندوسی
خدمت محافظه ابله مشغول اوله جغندن عهده سنده اولان صماقو نظارتی
برادری معرفتیه اداره اولمسی و مشار الیهک وصولیه تسلیم و تسلیم قاعده سی



ومحسنات دخی مشاهده اولنه میوب بلکه اعاده سی هر پاشیانک فیثانه کسب اطلاع اولنه رق بیع وشراده اهون صورتله قطع فیثات اولنمسه بنده مدار اوله جغی امر بارز بولندیغنه و بو جهته اشبو میوه ترکرنک کافی السابق اجرایی طبیعت مصلحتندن اولمغله بر مقتضای اراده سنیه اقتضایی بالاجرا کیفیت معلوم اولق اوزره اشعار اولندی

درگاه عالی قیوچی باشیلرندن پولی متسلی اسمعیل اغا شمدی به قدر حسن سلوک وحرکتی وصیانت فقرا امر اهنه دقتی مشهود اوله رق شایان احسان مکارم نشان جناب جهانبانی بندکندن بولنمش اولدیغنه بناء عاطفت افزای صدور بیوریلان امر واراده عنایتعاده جناب شاهانه موجبنجه عواطف علیه ملوکانه دن اغای مومی الیهه اصطبل عامره مدیرلکی پایه سی توجیه واولوجهله قدر واعتباری تنویه بیورلشدر

ارضروم مشیری عطوفتو عثمان نوری پاشا حضرتلرینک دائره لری مدیری علی اغا ذاتنده یرار وکارگذار وخدمات دولت علیه ده استخدام شایان اوله رق وجوهله سزاوار عنایت اولدیغنه بناء درگاه عالی قیوچی باشیلغی احسانیه قدری ترفیع بیورلمسی مشارالیه حضرتلری طرفلرندن التماس اولنمش اولدیغی رکاب کامیاب حضرت جهاننداری به لدی العرض شرفریز صدور بیوریلان امر واراده عنایتعاده جناب خلافتناهی موجبنجه عواطف علیه ملوکانه دن مومی الیهه مجددا درگاه معلا قیوچی باشیلغی توجیه ورؤس همایونی اعطا اولنمشدر

بودفعه اسمیه و یوده سی نصب وتعیین بیورلش اولان مصطفی بک اصدقای دولت علیه دن اولوب وجوهله سزاوار عنایت اولدیغنه بناء شرفریز سنوح وصدور بیوریلان امر واراده احسانعاده جناب جهاننداری موجبنجه عواطف علیه ملوکانه دن میرمومی الیهه مجددا درگاه عالی قیوچی باشیلغی توجیه ورؤس همایونی اعطا اولنمشدر

یقضاء اه تعالی کینلرده محترق اولان باب عالینک حرم دائره سی طرفندن وقوعبولان ضایعات مجرد سایه حضرت ملوکانه ده ارضرومده بعض ایرانلوینده بولنه رق کندوسبله درسماده کوندلش اولان ارضروم مشیری عطوفتو عثمان نوری پاشا حضرتلرینک مهادارلری خورشیدافندی ارباب استعداد ولباقتدن واصحاب قلم ودرایتدن اولدیغندن بمثله خواجه لک رتبه معتبره سی احسانیه بکام بیورلمسی مشارالیه حضرتلری طرفلرندن وباش محاسبه قلمی خلفاسندن قویه ردیف منصوره یوقلمه جنسی محمد انیس افندی دخی ارباب هنر و معارفدن اولدیغنه بناء کذلک خواجه لک رتبه رفیع سی احسانیه چراغ بیورلمسی قویه مشیری عطوفتو حاجی علی پاشا حضرتلری طرفلرندن التماس اولنمش اولدیغی خاکای کامبخشای جناب پادشاهی به لدی العرض شرفریز سنوح وصدور بیوریلان امر واراده عنایتعاده حضرت خلافتناهی موجبنجه عواطف علیه ملوکانه دن مومی الیهه دیوان همایون خواجه لکی توجیه اولنوب رؤس همایونلری ویرلشدر

روم ابلی مشیری عطوفتو زکریا پاشا حضرتلرینک مکتوبجلیق خدمتلرده اولان حافظ محمد رشدی افندی هنر و معرفتی درکار و ازهر جهت عنایت سنیه به سزا وار اولدیغنه بناء سایه شوکتوایه حضرت ملوکانه ده خواجه لک رتبه معتبره سی احسانیه بکام بیورلمسی مشارالیه حضرتلری طرفلرندن التماس اولنمش اولدیغی عتبه فلکمرتبه جناب کتی ستانی به لدی العرض شرفسنوح وصدور بیوریلان امر واراده عنایتعاده حضرت شاهانه موجبنجه عواطف علیه جهاننداریدن مومی الیهه دیوان همایون خواجه لکی توجیه ورؤس همایونی اعطا اولنمشدر

بغداد کمر کجسی برادری صالح اغا ذاتنده یرار وکارگذار وخدمات دولت علیه ده استخدام شایان اوله رق وجوهله سزاوار عنایت اولدیغنه بناء درگاه عالی قیوچی باشیلغی وفارسی کاتبی محمد افندی ومعمدا احمد افندی دخی ارباب هنر و معارفدن اولوب ازهر جهت عنایت سنیه به شایان اولدقلرینه مینی خواجه لک رتبه معتبره سی احسانیه بکام بیورلمسی بغداد والیسی عطوفتو علی رضا پاشا حضرتلری طرفلرندن التماس اولنمش اولدیغی رکاب کامیاب حضرت شاهانه به لدی العرض شرفریز صدور بیوریلان امر واراده عنایتعاده جناب خلافتناهی موجبنجه عواطف علیه ملوکانه دن مومی الیهه دن صالح اغایه درگاه عالی قیوچی باشیلغی ومحمد افندی الیه احمد افندی به دخی دیوان همایون خواجه لکی توجیه واقضایدن رؤس همایونلری اعطا اولنمشدر

بعض آثار خیره

ایح ایل سنجاغنده زینه ناحیه سنده دفین خالک عطر ناک اولان شیخ علی السمرقندی قدس سره الجلی حضرتلرینک تربیه شریفه لری جوارنده کائن اون باب حجره وبر مسجدی مشتمل مدرسه مشرف خراب اولدیغندن حالا قویه مشیری عطوفتو الحاج علی پاشا حضرتلری سایه هماویه حضرت ملوکانه ده تعمیر و احیا وارضروم مشیری عطوفتو عثمان نوری پاشا حضرتلری ارضرومده لالا پاشا جامع شریفی حولبسته مجددا بر باب موقخانه وارضروم قراسندن خارت نام قریه ده مشرف خراب اولان جامع شریفک تعمیر یله اتصاله برقاج اوطه لی مدرسه بنا وطریزون قضاسی محلاتندن اورته حصار محله سنده کائن بهشت آشیان ابوالفتح سلطان محمدخان علیه الرحه والغفران حضرتلرینک احیا کرده لری اولان جامع شریف حولبسته واقع شادروان الیه اتصالده مدفون فاتح مشارالیه حضرتلرینک طوپی باشیلرینک تربیه شریفه سی دخی حالا طریزون والیسی عطوفتو عثمان پاشا حضرتلری تعمیر وانشا و بیوردور قصبه سی خاندانندن ودرگاه عالی قیوچی باشیلرندن محمد امین اغا قصبه مزبوره ده مجددا ایکی فوقانی درسخانه واون ایکی باب حجراتی مشتمل بر مدرسه الیه بر عدد چشمه انشاسنه اعتنا ایلش ویکبشهر بروسه قضا سنده نصوص بک محله سنده کائن طریقت علیه رفاعیه به مخصوص زاویه مشرف خراب اولدیغندن درگاه عالی قیوچی باشیلرندن قضاء مزبور و یوده سی الحاج محمد حلمی اغا زاویه مذکوره بی برقاج باب اوطه علاوه سبله مجددا بنا و اتصالده بر عدد چشمه دخی یلیدروب ماء لذینی اجرا ایلش ونفس کوتاهییه ده خراب اولان تیمور طاش پاشا جامع شریفی مدینه مذکوره معجلات ناظری صالح افندی معرفتیه محمد حکمنده تعمیر وترمیم وکنفیری سنجاغنده تونی قریه سنده واقع جامع شریفک اتصاله لواء مزبور متسلی درگاه عالی قیوچی باشیلرندن عبده اغا طرفندن مجددا بر عدد چشمه انشا وتنظیم اولنمش اولدیغی اناطولی طرفندن وایلبصان سنجاغی متسلی درویش بک ایلبصان قصبه سنده کائن محمد اغا جامع شریفک محتاج تعمیر اولان محلاتی سایه مبرا توایه حضرت ملوکانه ده تعمیر الیه عین و یسارینه مجددا ایکی باب مکتب علاوه وانشا ومیرمومی الیهک برادری حسن بک دخی قصبه مزبوره ده واقع طریقت علیه قادریه دن شیخ ابراهیم افندی زاویه سنی تعمیر و احیا ایلش وبنه قصبه مزبوره ده دباعتخانه جوارنده اولان خراب جامع شریف الیه حاجیلر چشمه سی نام محله وارنجه خراب وفر سوده اولان قالدیرملر علی منیب افندی نام متوفانک ثلث مالندن وصبسی معرفتیه تعمیر وتنظیم اولنمش وتیران قضاسی متسلی درگاه عالی قیوچی باشیلرندن عبد الرحمن بک دخی قضا مزبوره کائن جامع عتیق جوارینه بدی اوطه لی مجددا بر مدرسه بنا وخارج قصبه ده کائن جاده لک خراب اولان قالدیرملر ایکیبشهر بحق ساعت مسافه محله قدر تعمیر وانشا وبنه تیران قصبه سنده قورشلی جامع شریف قریبده مقدما انشاسنه بدأ اولان ساعت کبیر ابنیه سنی منسل

مومی الیه اہلہ اہل ایدن بعض اصحاب خیرات تکمیلہ اعتنا ایلش و ساقز
جزیرہ سی حصنی داخلندہ مشرف خراب اولان تونسلی عبدالرحمن پاشا مسجد
شریفی چشمہ قضاسی خاندانندن ممش اغا طرفندن وزغہ عتیق قضاسندہ
غازیلر بیری نام محلہ دفین خاک عطرناک اولان محمد طوغانی حضرت تارینک
مشرف خراب اولان تربہ شریفہ سی قضاء مزبور و یودہ سی جلال الدین
اغا جانبدن تعمیر و ترمیم وجوارینہ زوار ایچون براوطہ علاوہ و تنظیم اولمش
واشقودرہ دہ دفین خاک عنبرین اولان شیخ مصطفی قدس سرہ الاعلی
حضرت تارینک تربہ لطیفہ سنی دخی اشقودرہ محصلی سعادتلو حسن پاشا
حضرت تارینک کتخداسی درکاه عالی قبوجی باشلرندن ابراہیم اغا تعمیر واحیا
وجسر مصطفی پاشا قضاسندہ تابع حصارلق قریہ سندہ مہدم اولان جامع
شریفی قضاء مزبور و یودہ سی درکاه عالی قبوجی باشلرندن محمد رشید بک
محمد دانا و شنی قضاسندہ مشرف خراب اولان مشیکلی جامع شریفی
قصبہ مزبورہ وجوہندن زعیم زادہ احمد بک و قرہ اغاج جامعہ سی نفوس
مقیدی ابراہیم اغا و عبد الرزاق جامعہ سی حاجی مصطفی اغا مسجدینی
تجاردن قرمان زادہ الحاج مصطفی اغا و چالق اوغلی جامعہ سی قطاری
زادہ الحاج ابراہیم اغا و حاجی عمر جامعہ سی حاجی حسین اغا و قوچہ شیخ
جامعہ سی الحاج سیف اہ اغا و محترق جامعہ سی دخی علی و ہی افندی تعمیر
وانشا ایتش و شریف خلیل پاشا جامع شریفندن جام عتیق کپر یسنہ
قرہ اغاج جامعہ پیشکاهندن ایوب افندی جامع شریفہ دکن اوچیک
سکزیوز ذراع مقداری خراب و فرسودہ اولان قالدیرملری وجوہندن صالح
فانی افندی تعمیر و ترمیم و تاتار بازاری قضاسندہ جبق صالین جامع شریفی
پیشکاهندن قیر قیوسی نام محلہ قدر سکزیوز التمش ذراع مقداری محلہ
درکاه عالی قبوجی باشلرندن و قضاء مزبور خاندانندن طاهر بک محمد دا
قالدیرم فرش و تنظیم ایلش وینہ قصبہ مزبورہ عمارت جامع شریفی
حواسندہ واقع مدرسہ یہ مدرسہ بولسان محمد فوزی افندی طرفندن محمد دا
درت اوٹہ علاوہ و انشا و چارسو دروندہ کاش محترق اولان مدرسہ دخی
مدرسین کر آمدن سید مصطفی افندی جانبدن بنا و احیا قلمش و کلیبولی
قصبہ سندہ قلیظہ خانہ جوارندہ کاش چشمہ نک بولاریلہ دریا کارندہ
ازماقار نام محلہ و حسن بالی حوضی جادہ سندہ اولان خراب جسر لر
و فرسودہ اولان قالدیرملرک اہالیسی طرفندن تعمیرینہ اعتنا و بحر سفید
یوغا زندہ مایدوس قریہ سی جوارندہ قرننہ محلی تخصیص اولسان محلہ
ظہور ایدن ایکی ماصورہ مقداری ماء لذیذہ مأمورا اولطرفندہ بولسان میر لوا
عزتلو فرہاد پاشا جانبدن محل مزبورہ محمد دانا قلنان چشمہ یہ اجرا اولمش
واشقودرہ کارندن جریان ایدن بولسان نام نہر اوزرینہ مبنی طولاً بشیوز
قرق ایکی ذراع جسر دخی اشقودرہ محصلی مشارالیه حسن پاشا حضرت تارلی
طرفندن متانت و رصانت اوزرہ تعمیر و تسویہ اولنہ رق بو وسائل حسنہ الیہ
طرف اشرف جناب کیتی ستانی ایچون جہلہ دن استجلاب دعوات خیرہ
واستحصال اجور جزیلہ قلمش اولدیغی روم ایلی طرفندن ورود ایدن
رورنال اورا قندہ محرر اولدیغی تقویم و قالیخانہ طرفندہ وارد اولان
علم و خبردہ مسطور در

سایہ شوکتوایہ حضرت جہانداریدہ وضع و تأسیس اولمش اولان قرننہ
مادہ نافعہ سندہ متفرع اولان خصوصاً تاک اجرایی لازمہ دن و بعض
تعقیباتی مستلزم اولان شیلرک دفعیلہ محال و مواقع لازمہ نک تصفیہ و تطہیری
اقتضای حالدن و در سعادتہ واقع طاووقی دکا نرنندہ ذبح اولسان طاووقرک
بولاشغی دکان ایچندہ قالمسیلہ اندن حاصل اولان تعفک دخی دفعی قرننہ
اصولی سندہ اولنہ رق او مقولہ در وندہ طاووق ذبح اولنہ جق دکا نر
ایچون اسکلہ سندہ تخصیص اولنہ جق محلہ قالدیر بلوب اورادہ ذبحیلہ
تعمیرلنہ رک بولاشغی در حال بحرہ القاسی خصوصنہ متعلق پیوریلان ارادہ
سنیہ ملوکانہ منطوق منہی اوزرہ اجرای اقتضاسی سعادتلو احتساب ناظرینہ
حرالہ اولمشدر

** توجیہات علیہ **

شرفریز صد و ربوریلان امر و ارادہ عنایتادہ جناب خلافتناہی
موجبہ بلاد دوریہ دن طرابلس غرب قاضیسی محمد نجم الدین افندی یہ
ماہ سابقک یکریمی برنجی کوندن بالاعتبار موصل بلاد اربعہ اولق اوزرہ
اسکدار پایہ سی و بلاد دوریہ دن مرعش قضاسی سنہ آتہ جادی الاخرہ سی
غرہ سندن ضبط ایتک اوزرہ حرکت التمثلی الیہ قصاب زادہ درادرنہ
مدرسہ سی مدرسہ قدسی علی زادہ السید یوسف افندی یہ توجیہ واحسان
و ایجاب ایدن امر عالیرلی اعطاسیلہ مومی الیہا خندان قلمشدر
عاطفت افزای صدور پیوریلان امر و ارادہ احسانعادہ حضرت جہانبا نی
موجبہ حرکت داخل الیہ درسیہ الحاج محمد افندی در قرب فاتح مدرسہ
دیوان کا تی عثمان بک زادہ شعیب حاجی افندی یہ شہر سابقک اوچینی کونی
صحن اعتباری و دارالحديث حرم چلی مدرسہ سی ینہ ماہ سابقک اوچینی کونی
مفتی زادہ السید مصطفی زکی افندی یہ و درسیہ فرہاد بک در جامع ملاعشی
با پایہ انا طولی حالاً استانبول قاضیسی فضیلہ مو راعف افندی
حضرت تارینک حفیدی السید محمد سالم افندی یہ و درسیہ سعدی زادہ
در جامع فیروز بک مشارالیه دیگر حفیدی السید محمد اسعد افندی یہ ماہ
سابقک اون اوچینی کونی اشارت علیہ الیہ بالابتدا خارج توجیہ واحسان
و ایجاب ایدن رؤس ہمایونلری اعطاسیلہ بشقہ بشقہ ہر بری مسرور و شادان
پیورلشدر

خلیل پاشا زادہ زادہ سی السید خلیل نسب بک فوت اولمش اولغلہ عہدہ سندن
محلہ اولان قاضی مسکر حسن افندی مدرسہ سی صحن اعتباریہ درسیہ
در جامع سلطان سلیم عن وقف قریمی عبدالرحیم مدرسہ احدشکری افندی
زادہ السید محمد توفیق افندی یہ بالابتدا التمثلی بری ابتدا خارج الیہ درسیہ
فرہاد بک در جامع ملاعشی مدرسہ علی رضا بک حفیدی میر السید حسن
حسنی افندی یہ با حرکت خارج و مغنساوی مسود لطف اہ افندی وفات
ایتکلہ عہدہ سندن محلہ اولان صحن مدرسہ سی موصلہ صحن الیہ درسیہ
خواجہ فاطمہ خاتون مدرسہ و ونہ وی السید مصطفی افندی یہ با صحن
بری حرکت داخل الیہ درسیہ الحاج محمد افندی مدرسہ دکرلیلی احمد افندی یہ
باموصلہ صحن بری ابتدا داخل الیہ درسیہ نازیکی خاتون در جامع ملاخوین
مدرسہ برکوبلی حافظ علی افندی یہ با حرکت داخل بری حرکت خارج الیہ
رابعہ عثمان افندی مدرسہ سی مدرسہ شمشچی زادہ زادہ سی السید
احمد اشرف افندی یہ بالابتدا داخل بری ابتدا خارج الیہ دارالحديث حرم چلی
مدرسہ مشرب زادہ افندی حفیدی محمد اسعد افندی یہ با حرکت خارج
و فتوی امینی اسبق ابراہیم افندی زادہ السید محمد زہدی افندی خواجگانلق
رتبہ سیلہ بکام اولغلہ عہدہ سندن محلہ اولان احمد چاوش مدرسہ سی
حرکت داخل الیہ ابوالفضل محمود افندی مدرسہ سی مدرسہ سی اخساقوی
الحاج عثمان افندی یہ باموصلہ صحن بری ابتدا داخل الیہ محی الدین
فوجہ وی مدرسہ سی مدرسہ انقرہ وی حسین واصف افندی یہ با حرکت داخل
بری حرکت خارج الیہ درسیہ در جامع سلطان یازید عن وقف عمر افندی
کاتب ضربخانہ مدرسہ نظیف افندی برادر زادہ سی نوری بک زادہ
میرالسید محمد امین افندی یہ بالابتدا داخل بری ابتدا خارج الیہ ثانیہ بالی پاشا
مدرسہ سی مدرسہ کواکی زادہ راشد افندی زادہ محمد امین افندی یہ
با حرکت خارج و عاشر افندی حفیدی مصطفی عاشر افندی سلاک عسکری یہ
منسلک اولغلہ عہدہ سندن محلہ اولان دردار یہ مدرسہ سی حرکت خارج الیہ
درسیہ فتوی السید حسن افندی در جامع سلطان محمد خان مدرسہ
قبوجقلی زادہ زادہ سی السید عبدالرحمن افندی یہ بالابتدا داخل بری
ابتدا خارج الیہ درسیہ سعدی زادہ در جامع فیروز بک مدرسہ صحافر شینی زادہ
اسعد افندی زادہ السید احمد ضیاء الدین افندی یہ حرکت خارج الیہ
با اشارت علیہ توجیہ و ماہ سابق مر قومک غرہ سیلہ مورخ رؤس ہمایونلری
اعطا اولمشدر